



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XIII.

urn:nbn:de:hbz:466:1-11453

amari ad urbem. Ibi cecidit bona pars Germanica nobilitatis, frustrata ad oppidum capiendum: cum intus vigilarent diu taciti & inuicti, donec sub ictum haberent omnes. Et prostrati sunt viri, nullo precio aestimandi, quia nulla re coequandi, quos socij ad tumultum rapuere.

CAPVT XIII.

Albertus Saxonia superioris dux, qui videbatur neutraliter agere, nec se bello immiscere, Brugis postulauit pacificus cum aliquantis, qui timeri non possent, armatis intromitti, quod haberet rem cum maioribus colloquio dignam & serid agendam: praemis qui hospitia curarent, & cibis parandis intenderent. Non dubitauere Brugeses etiam maiorem armatorum numerum admittere in urbem populosam, praesertim quod audirent & crederent in vrbe pernoctaturum: nemo cogitauit de eo quod ille parauerat, stratagemate: Ipse ergo cum expedito suorum agmine continuè insequitur praecedentes: Et primi quidem hospitia petiere, simulantes quod ad manendum introissent. Cateri interea continuato ordine oppidum pertransibant aliam portam, quae ducit in oppidulum memoratum, mille passibus distans: quod Aggerem, ut diximus, vocant: Et primi agminis iam portam tenebant oppidi sepe dicti, cum nouissimi non longè Brugis abessent, continuato tamen insequentes itinere. Qui in oppido erant custodes, nihil mali à Brugis metuentes, arbitrantur sibi mitti praesidium ab amicis: ita nihil mali suspicantes oppidani Dam oppidum amisere: Et quod ante armis saepe tentatum, expugnari non poterat, tam leui nunc occasione Brugesibus deperijt: inq; eo amisso omnis fortuna belli conuersa, Brugesibus coepit aduersari. Nam inde interclusus

erat à mari commeatus, fameq; laboratū est insigniter. Accessit altera causa belli tum finiendi, quod stipendiarij Slusis cum Philippo de Rauenstein inclusi, tumultuari viderentur, ob nescio quam causam: Sed in hoc genere hominū causam tumultūs querere, superuacuum est, quod ad omnem ventum commouetur. Capiti igitur suo timens Philippus, & iam Brugensibus suis aut prodesse, aut adesse non valēs, utraq; de re ad pacem inclinabat: Solus ille cū solo de Nassow comite, pacis leges conscripsit. Tum Brugeses, ut stipendia soluerent militibus, argentum quod quisq; domi factū habuit, pro viribus facultatum in commune contulerūt, deficiente numismate: nam omnis exhausta erat pecunia: appensum est in statera in aris debiti aestimationem, & traditū leuissimum est hominū generi, ut abcederet. Ità tertium quoq; bellum est finitū, ciuib; ad magnam calamitatem penē omni- bus perductis. Sic eat, quando certa ratione gubernari non passi, tumultuantur: discant malo suo ad tolerabiles redire cōditiones. Flandria sit exēplo vicinis prouincijs.

CAPVT XIII.

Per ea tempora in Brunswico vrbe Saxonia prima-
ria, immissus est spiritus vertiginis in capitamul-
torum, ut in publicis conuentibus tumultuati ciues, ma-
gnam partem consulatūs suo arbitratu destituerent ad-
ministratione, nouis pro libidine surrogatis: quibus adie-
cēre viros vigintiquatuor ex ciuib; qui rebus gerendis
& capiendis consilijs interessent. Ea res liuores in po-
pulo plurimos parturiuit, dum destituti, cum omni sua
cognitione aduersarentur ceteris, qui vel gubernacula
tenuēre, vel suae debonestationi dederint alimentū. Ve-
tus in vrbib; malum, dum quisq; ordinis sui obliuisci-
tur: nulla adhibetur à præsidentibus modestia: nulla de-
indē